



OÉ Gaillimh  
NUI Galway

Acadamh na hOllscolaíochta Gaeilge

## An Tréimhse Foghlama Gaeltachta



Gaoth Dobhair  
Co. Dhún na nGall

Carna  
Co. na Gaillimhe

An Cheathrú Rua  
Co. na Gaillimhe



OÉ Gaillimh  
NUI Galway

Acadamh na hOllscolaíochta Gaeilge

**Tuilleadh Eolais**

An Cheathrú Rua: 091 494600

Carna: 091 494656

Gaoth Dobhair: 091 494657

Rphost: [cursaigaeilge@oegaillimh.ie](mailto:cursaigaeilge@oegaillimh.ie)

[www.oegaillimh.ie/acadamh](http://www.oegaillimh.ie/acadamh)



## Cé muid féin?

Is Acadamh lán-Ghaeilge muid atá ag feidhmiú faoi choimirce Ollscoil na hÉireann, Gaillimh agus freagracht orainn cúrsaí Gaeilge agus clár léinn trí Ghaeilge a fhorbairt agus a sholáthar.

## Cá bhfuilimid lonnaithe?

Tá sé d'ádh orainn go bhfuil ár nlonaid Ghaeltachta lonnaithe sna ceantair is láidre Gaeilge sa tír. Táimid i lár shráidbhaile na Ceathrún Rua, i gcoilár lorras Aithneach i gCarna agus ar an Screabán i nGaoth Dobhair. Tá scoth na n-áiseanna teagaisc sna hlonaid, seomraí ranga ilchuspóireacha le WiFi, seomraí staidéir, clár bhána idirghníomhacha, ríomhlanna nua-aimseartha, leabharlann, seomraí iarléirithe teilifíse agus eagarthóireachta.

## Cé air a bhfuil an cúrsa dírithe?

Tá an cúrsa seo dírithe ar ábhair oidí atá ag freastal ar chúrsa éigeantach Gaeltachta chun coinníollacha a n-oiliúna mar mhúinteoirí bun scoile a chomhlíonadh.

## Clárú don Chúrsa

Is **€750.00** an táille a bheidh le híoc ar chúrsaí Gaeltachta na nÁbhar Oidí.

Le háit a chinntiú ar chúrsaí an Acadaimh, ní mór do gach mac léinn an fhoirm iarratais a chomhlánú ar líne agus éarlais €200 a íoc roimh an spriocdháta.

**Téigh chuig [www.oegaillimh.ie/acadamh](http://www.oegaillimh.ie/acadamh).**

Is féidir an éarlais a íoc le cárta creidmheasa (Visa/Mastercard) nó le cárta dochair (Visa Debit) ach glaoch ar 091-494600 / 494601 le sonraí an chárta.

**Beidh fuilleach na táille (€550.00) le híoc roimh thús an chúrsa.**

## Tinreamh

Is páirt éigeantach den chúrsa réamhsheirbhíse oiliúna don mhúinteoireacht é an cúrsa Gaeltachta. Tá sé riachtanach go mbeadh na mic léinn i láthair do thréimhse iomlán an chúrsa, **13 lá agus 14 oíche**, na tréimhsí deireadh seachtaine san áireamh.

Má tá mic léinn ag lorg lá/laethanta saoire (bainis nó ócáid phearsanta) i rith a dtréimhse foghlama Gaeltachta, caithfidh siad cead a bheith acu i scríbhinn (cruachóip de ríomhphost nó litir) roimh ré ón gColáiste Oideachais. Caithfear iarratas scríofa a dhéanamh agus é a sheoladh chuig comhordaitheoir na Gaeilge sa Choláiste Oideachais roimh thús an chúrsa Gaeltachta. Déanfaidh an comhordaitheoir cinneadh faoi na hiarratais agus cuirfidh sé/sí an Coláiste Gaeltachta ar an eolas faoi na mic léinn a bheidh as láthair/an t-údar a mbeidh siad as láthair agus líon na laethanta a mbeidh siad as láthair.

## Lóistín

Cuirfear seomra roinnte in áirithe i dteach lóistín atá aitheanta ag an Roinn Ealaíon, Oidhreacht agus Gaeltachta do gach mac léinn. Is í an Ghaeilge teanga labhartha theaghlai na dtithe agus an teanga a bheidh in úsáid ag na mic léinn ó thiocfaidh siad isteach sa teach. Beidh lóistín iomlán ar fáil sa teach agus na béilí seo a leanas ar fáil gach lá.

- Bricfeasta
- Lón téagartha
- Dinnéar trí chúrsa
- Tae & Brioscáí

### \*Mic Léinn na Gaeltachta

Beidh mic léinn na Gaeltachta in ann fanacht sa bhaile (más mian leo) agus taisteal chuig an gcúrsa gach lá. Íocfaidh siadsan táille €475.

## Siollabas an Chúrsa

Siollabas don Chéad/Dara Tréimhse Foghlama Gaeltachta.

## Modúil an Chúrsa

- Ceartúsáid na Gaeilge idir Labhairt & Scríobh
- An Ghaeilge ar Líne
- Gaeilge na Gaeltachta
- An Fillteán Foghlama
- Ceardlanna drámaíochta, ealaíne, ceardaíochta, damhsa, spóirt, eolaíochta, ceoil
- Acmhainní Cruthaitheacha do mhúineadh na Gaeilge

## Torthaí Foghlama











- Cur le cumas na mac léinn an Ghaeilge a shealbhú de réir a n-acmhainne d'fhonn a ngnó gairmiúil a dhéanamh trí mheán na Gaeilge.
- Tuiscint a chothú iontu ar Cheart na Gaeilge.
- Oiliúint phraiticiúil a thabhairt dóibh i gcruithú acmhainní teagaisc a bheadh oiriúnach don seomra ranga bun scoile.
- Meon dearfach i leith na Gaeilge a chothú iontu a rachaidh i bhfeidhm ar a n-iompar teanga.
- Léargas a thabhairt dóibh ar éagsúlacht shaol na Gaeltachta idir theanga, litríocht, oidhreacht agus chultúr.

## Imeachtaí Seach-churaclaim

- Siúlóidí dúlra agus tóraíochtaí taisce & oidhreacht
- Seisiúin scéalaíochta, scoraíochta, amhránaíochta, cheoil
- Céilithe, drumadóireacht
- Tráth na gCeisteanna Boird

## Áiseanna/Fearais riachtanacha:

Moltar do na mic léinn na háiseanna/na fearais seo a leanas a thabhairt leo:

- Ríomhaire glúine 
- Dialann Foghlama 
- Foclóir 
- Maide Cuimhne 
- Ipod 
- Guthán póca 
- Éadaí báistí/spóirt 
- Bróga siúil/reatha 
- Eolas cruinn faoi riachtanais speisialta bia 
- Cárta Leighis 
- Uirlis Cheoil (más mian leo) 